

四庫全書

集部

欽定四庫全書

集部

御選歷代詩餘卷四十七

詳校官中書_臣潘有為

侍讀_臣孫球覆勘

總校官進士_臣朱鈐

校對官主事_臣陳文樞

謄錄監生_臣方汝觀

欽定四庫全書

御選歷代詩餘卷四十七目錄

起七十一字
至七十四字

千秋歲

蘇軾

黃庭堅

秦觀

晁補之

李之儀

孔平仲

周紫芝

三首

謝逸

葉夢得

辛棄疾

黃公度

趙彥端

石孝友

趙聞禮

顧孔昭

卓牌子近又一體

袁去華

粉蝶兒

蔣捷

惜奴嬌

晁補之

西施

柳永

千秋歲 又一體

歐陽修

李之儀 四首

呂渭老

葉夢得

張元幹

粉蝶兒 又一體

毛滂

辛棄疾

曹冠

離亭燕

張昇

晁補之

胡偕行

于飛樂

晏幾道

史達祖

月上海棠

又一體

党懷英

段克己

二首

風入松

吳洪

陸楫

高濂

憶帝京

黃庭堅

撼庭竹

王詵

兩同心 又一體

杜安世

小鎮西犯

柳永

惜奴嬌 又一體

史達祖

隔浦蓮

周邦彥

曾覲

楊无咎

陸游 二首

高觀國

史達祖 二首

方千里

吳文英

陳允平

趙聞禮

劉基

荔支香近

周邦彥

楊澤民

方千里

陳允平

風入松

又一體

康與之

吳子孝

張璠

沈宜修

郭郎兒

柳永

師師令

張先

隔簾聽

柳永

河滿子 又一體

尹鶚

于飛樂 又一體

張先

傳言玉女

晁冲之

曾覲

楊无咎

黃機

趙善扛

石孝友

汪元量

劉基

風入松 又一體

晏幾道 二首

周紫芝

趙師俠

曹冠

陸游

謝懋

高觀國

二首

史達祖

韓淉

李肩吾

趙聞禮

前調又一體

王廷相

御選歷代詩餘卷四十七目錄

[illegible]

欽定四庫全書

御選歷代詩餘卷四十七

起七十一字至七十四字

司經局洗馬掌局事兼翰林院修撰加二級臣王奕清奉

日校刊

千秋歲

雙調七十一字加引字者長調也與此別

千秋歲

蘇軾

淺霜侵綠髮少仍新沐冠直縫巾橫幅美人憐我老玉

手簪黃菊秋露重珍珠落袖沾餘馥
坐上人如玉花
映花奴肉蜂蝶亂飛相逐
明年人縱健此會應難復
須細看晚來月上和銀燭

前調

追和少游

黃庭堅

苑邊花外記得同朝退
飛騎軋鳴珂
碎齊歌雲繞扇趙
舞風回帶嚴鼓斷杯盤
狼籍猶相對
灑落誰能會
醉卧藤陰蓋人已去
詞空在
兔園高宴罷
虎觀英游改
重感慨波濤萬頃珠沉海

前調

虔州作

秦觀

柳邊沙外城郭春寒退花影亂鶯聲碎飄零疎酒盞離
別寬衣帶人不見碧雲暮合空相對憶昔西池會鵷
鷺同飛蓋攜手處今誰在日邊清夢斷鏡裏朱顏改春
去也落紅萬點愁如海

前調

晁補之

葉舟容易行盡江南地南雁斷無書至憐伊羈旅處見
我飄蓬際如夢寐當年閨苑曾相對休說深心事但

付狂歌醉那更話孤帆起水精溪繞戶雲母山相砌君
莫去只堪伴我溪山裏

前調

李之儀

深秋庭外殘暑全消退天幕迴雲容碎地偏人罕到風
慘寒微帶初睡起翩翩戲蝶飛成對歎息誰能會猶
記逢傾蓋情暫遣心常在沉沉音信斷冉冉光陰改紅
日晚仙山路隔空雲海

前調

孔平仲

春風湖外紅杏花初退孤館靜愁腸碎淚餘痕在枕別
久香消帶新睡起小園戲蝶飛成對惆悵人誰會隨
處聊傾蓋情暫遣心何在錦書消息斷玉漏花陰改遲
日暮仙山杳杳空雲海

前調

葉審言
生日

周紫芝

當年文燄蜀錦詞華爛年正少聲初遠手攀天上桂書
奏蓬萊殿人盡道洛陽盛事今重見千尺青蒼幹直
節凌霄漢天未識應嗟晚飲殘長壽醖歸奉春皇燕金

卷四十六
葉滿擘麟且受麻姑勸

前調

留春

周紫芝

送春歸去說與愁無數
春去後歸何處人應空懊惱
春亦無言語寒日暮
騰騰醉夢隨風絮
盡日閒庭雨紅濕
秋千柱人恨切鶯聲苦
擬傾澆悶酒留取殘紅樹
春去也不成不為愁人住

前調

周紫芝

小春時候晴日吳山秀
霜尚淺梅先透
波翻醺醖酸霧

滿芙蓉繡持壽酒仙娥特地回雙袖
試問春多少恩
入芝蘭厚松不老山長久星占南極遠家是椒房舊君
一笑金鑾看取人歸後

前調

謝逸

棟花飄砌簌簌清香細梅雨過蘋風起情隨湘水遠夢
遶吳峯翠琴書倦鷓鴣喚起南牕睡
密意無人寄幽
恨憑誰洗修竹畔疎簾裏歌餘塵拂扇舞罷風掀袂人
散後一鉤淡月天如水

前調

小雨不寐懷
松江舊游

葉夢得

雨聲蕭瑟初到梧桐響人不寐秋聲爽低簷燈暗淡畫
幕風來往誰共賞依稀記得船篷上拍岸浮輕浪水
闊菰蒲長向別浦收橫網綠蓑衝暝色艇子搖雙槳君
莫忘此情猶是當時唱

前調

辛棄疾

塞垣秋草又報平安好尊俎上英雄表金湯生氣象珠
玉霏譚笑春近也春花得似人難老莫惜金尊倒鳳

詔看看看到留不住江東小從容帷幄裏整頓乾坤了千
百歲從今盡是中書考

前調

黃公度

鬱蔥佳氣天降麒麟瑞回首處江城外一麾遺愛在萬
口歡聲沸人乍遠危樓目斷天無際五馬徘徊地春
色隨歸旆壽水綠壺山翠風輕香篆直日暖歌喉脃椒
觴舉人人盡說千秋歲

前調

趙彥端

杏花風下獨立春寒夜微雨度疎星挂暉暉濃豔出嫋
嫋繁枝亞朱檻倚輕羅醉裏添還卸 寂寞情猶乍悵
望驂鸞駕衣褪玉香欺麝一花拚一醉杯重憑誰把春
去也重簾翠幕人如畫

前調

石孝友

春工領畧點破羣花夢對流景傷淪落躡青心緒懶
酒情懷惡無奈處東風故故吹簾幕 腕玉寬金約一
去音容邈魚與雁應難託從前多少事不忍思量著心

撩亂斜陽影在闌干角

前調

趙聞禮

鶯啼晴晝南國春如繡
飛絮眼凭闌袖日長花片落睡
起睂山鬪無箇事沉煙一縷騰金獸
千里空回首兩
地厭厭瘦春去也歸來否五更樓外月雙燕門前柳人
不見秋千院落清明後

前調

避客
西莊

顧孔昭

浮瓜雪藕正值涼生後
江浩蕩山明秀蟬鳴高樹蔭燕

蹴晴波皺書畫舫鼓琴垂釣娛清晝 門巷淵明柳老
稚歡相候酒釀熟魚烹就醉憐風入戶 吟愛雲生岫新
月吐嫦娥又為先生壽

卓牌子近

又一體雙調
七十一字

卓牌子近

袁去華

曲沼朱闌繚牆翠竹晴晝金萬縷搖搖風柳還是燕子
歸時花信來後看淡淨洗妝態梅樣瘦春初透 盡日

明牕相守閒共我焚香伴伊刺繡睡眠曹騰今朝早是
病酒那堪更困人時候

粉蝶兒

雙調七

十一字

粉蝶兒

蔣捷

啼鴂聲中春光釀成春夢問東風仗誰持送燕憐晴鶯
愛暖一牕芳蕤奈匆匆催他柳絲狂縱輕羅小扇桐
花又飛么鳳記寒吟沁梅霜凍古今人易老莫閒雙鞦

尚堪游荼蘼粉雲香洞

惜奴嬌

雙調七
十一字

惜奴嬌

晁補之

歌闋瓊筵暗失金貂侶說衷腸丁寧囑付權舉帆開黯
行色秋將暮欲去待却回高城已暮 漁火煙村但觸
目傷離緒此情向阿誰分訴那裏思量爭知我思量苦
最苦眠不穩西風夜雨

西施

雙調七
十一字

西施

柳永

柳街燈市好花多盡讓美瑤娥萬嬌千媚的在層波
取次妝梳自有天然態愛淺畫雙蛾斷腸最是金閨
客空憐愛奈伊何洞房咫尺無計枉朝珂有意憐才每
遇行雲處幸時恁相過

千秋歲

又一體雙調

七十二字

千秋歲

歐陽修

數聲鶯鴂又報芳菲歇
惜春更把殘紅折
雨輕風色暴
梅子青時節
永豐柳無人盡日花飛雪
莫把幺絃撥
怨極絃能說
天不老情難絕
心似雙絲網中有千千結
夜過也東牕未白殘燈滅

前調

李之儀

深簾靜晝綽約閨房秀
鮮衣楚製非文繡
凝脂膚理膩

削玉腰圍瘦閒舞袖回身昵語憑肩久
睂壓橫波皺
歌斷青青柳釵遽擘壺頻叩鬢栖清鏡雪淚漲芳尊酒
難再偶沉沉夢峽雲歸後

前調

李之儀

柔腸寸折解袂留清血藍橋動是經年別掩門春絮亂
敲枕秋蛩咽檀篆滅鴛衾半擁空牀月
妝鏡分來缺
塵浣菱花潔嘶騎遠鳴機歇密封書錦字巧綰香囊結
芳信絕東風半落梅梢雪

前調

李之儀

萬紅暄晝占盡人間秀怎生圖畫如何繡宜推蕭史伴
消得東陽瘦垂窄袖花前鎮憶相攜久淚裛回文皺
好在章臺柳洞戶隔憑誰叩寄聲雖有鴈會面難同酒
無計偶蕭蕭暮雨黃昏後

前調

李之儀

休嗟磨折看取羅巾血殷勤且話經年別庭花翻悵望
簷雨同鳴咽明半滅燈情夜夜多如月無復傷離缺

共保冰霜潔不斷夢從今歇
收回書上絮解盡眉頭結
猶未絕金徽泛處應能雪

前調

呂渭老

寶香盈袖約腕金條瘦裙兒細裊如眉皺
笑多替髻側語小絲簧奏洞房晚千金未直橫波溜
綠短歡難又人去春如舊枝上月誰攜手
宿雲迷遠夢淚枕中殘酒怎奈向繁陰亂葉梅如豆

前調

千葉黃梅

葉夢得

曉煙溪畔曾記東風面化工更與重裁翦額黃明豔粉
不共妖紅軟凝露臉多情正是當時見誰向滄波岸
特地移閒館情一縷愁千點煩君搜妙語為我催清燕
須細看紛紛亂蕊空凡豔

前調

張元幹

相門出相和氣濃春釀傳家冠珮雲臺上龐眉扶壽杖
綠髮披仙氅星兩兩泰階已應昇平象玉砌蘭芽長
定向東風賞添綵袖褰羅幌絲簧俱妙手珠翠爭宮樣

江海量年年醉裏翻新唱

粉蝶兒

又一體雙調
七十二字

粉蝶兒

毛滂

雪徧梅花素光都共奇絕到牕前認君時節下重幃香
篆冷蘭膏明滅夢悠揚空繞斷雲殘月 沈郎帶寬同
心放開重結褪羅衣楚腰一捻正春風新著摸花花葉
葉粉蝶兒這回共花同活

前調

賦落梅

辛棄疾

昨日春如十三女兒學繡一枝枝不教花瘦甚無情便
下得雨偏風慙向園林鋪作地衣紅縐而今春似輕
薄蕩子難久記前時送春歸後把春波都釀作一江醇
酒約清愁楊柳岸邊相候

前調

曹冠

繞舍清陰還是暮春天氣徧蒼苔亂紅堆砌問留春不
住春怎知人意最關情雲杪杜鵑聲碎休怨春歸四

時有花堪醉，漸紅蓮豔妝。依水次芙蓉，巖桂與菊英。梅蕊稱開尊，日日殢香偎翠。

離亭燕

雙調七

十二字

離亭燕

張昇

一帶江山如畫，風物向秋瀟灑。水浸碧天何處斷，霽色冷光相射。蓼嶼荻花洲，掩映竹籬茅舍。雲際客帆高挂，煙外酒旗低亞。多少六朝興廢事，盡入漁樵閒話。悵

望倚層樓寒日無言西下

前調

憶吳興

晁補之

憶向吳興假守雙溪四垂高柳儀鳳橋邊蘭舟過映水
雕甍華牖燭下小紅妝爭看使君歸後攜手松亭難
又題詩水軒依舊多少綠荷相倚恨背立西風回首悵
望采蓮人煙水萬重吳岫

前調

白下懷葉實師

胡偕行

歸雁行行啼哢喚破一宵秋夢夢醒封題忙寄與又不

會將書送悵望碧山頭遙囑幾聲珍重 踏徧長安何
用滿目煙雲寒凍簷外鈴鈴風弄咽急戰雨聲還恐多
少客金陵今夜離愁誰共

于飛樂

雙調七
十二字

于飛樂

晏幾道

曉日當簾睡痕猶占香腮輕盈笑倚鸞臺暈殘紅勻宿
翠滿鏡花開嬌蟬鬢畔插一枝淡蕊疎梅 每到春深

欽定四庫全書

御選歷代詩餘

卷四十七

十三

多愁饒恨妝成懶下香階意中人從別後縈繫情懷良
辰好景相思字喚不歸來

前調

史達祖

綺翼鸚鵡問誰常借春陂生愁近渚風微紫山深金殿
暖日暮同歸白頭相守情雖定事却難期帶恨飛來
煙埋秦草年年枉夢紅衣舊沙閒香頸冷合是單栖將
終怨魄何年化連理芳枝

月上海棠

又一體雙調
七十二字

月上海棠

党懷英

傲霜枝裊團珠蕾冷香霏煙雨晚秋意蕭散繞東籬尚
髣髴見山清氣西風外夢到斜川栗里斷霞魚尾明
秋水帶三兩飛鴻點煙際疎樹颯秋聲似知人倦游無
味家何處落日西山紫翠

前調

段克己

小樓舞徹雙垂手便倩雁將書寄元九舉首望南山獨

峨眉數峰明秀人未老且任高歌對酒
莫將此樂輕孤負喚明月清風做三友
纖手折黃花步東籬為伊三
疊英雄淚醉搵應湏翠袖

前調

段克己

時平無用經綸手且閒把文章和歐九
天氣湛清秋便無限山明水秀留客飲
但願尊中有酒鷓鴣夷到處湏
親負尋山鳥山花好朋友塵世自薰蕕
把瑤英與君同
疊西風外歸去長拖布袖

風入松

雙調七十二字古樂府有風入松琴調僧皎然有風入松歌行此則別為詞調也

風入松

吳洪

秋江處處是丹楓掩映芙蓉年年夢繞鱸鄉路今朝纔
見秋容釣雪灘頭撥櫂垂虹亭角拖筇生綃一幅翦
吳淞煙景空濛綠蓑青笠橫江去數聲長笛臨風好語
眠沙鷗鷺可容添箇漁翁

前調

題畫

陸楫

白雲紅葉楚天秋
蘭桂香浮青山萬疊無人到
那堪落日凝眸一曲瑤琴聲徹
千竿翠竹初收
夕陽衰柳野溪頭
數點輕鷗清夜獨眠金露冷
最憐新月如鉤多少
井梧飄謝不禁涼
籟悠悠

前調

高瀛

濃煙稠白望中深
雪色雲陰梅花剩有西泠約
攜尊不負追尋
蕩日冰漸萬頃搖風玉瘦千林
寒空倚閣費孤吟
坐有知音一鳥不飛天影黑
微茫山樹俱沉歌出

陽春白雪情憐遠水遙岑

憶帝京

雙調七

十二字

憶帝京

黃庭堅

鳴鳩乳燕春閒暇化作綠陰槐
夏壽筭舞紅裳睡鴨飄香麝
醉此洛陽人佐郡深儒雅
況座上玉麟金馬更莫問
鶯老花謝萬里相依千金為壽
未厭玉燭傳清夜不醉欲言歸
笑煞高陽社

撼庭竹

雙調七十二字
與撼庭秋無涉

撼庭竹

王詵

綽略青梅弄春色真豔態堪惜經年費盡東君力有情
先到探春客無語泣寒香時暗度瑤席月下風前空
悵望思攜手同摘畫闌倚徧無消息佳辰樂事再難得
還是夕陽天空暮雲凝碧

兩同心

又一體雙調
七十二字

兩同心

杜安世

巍巍劒外寒霜覆林枝望衰柳尚色依依暮天靜雁陣
高飛入碧雲際江山秋色遣客心悲 蜀道巖嶮行遲
瞻京都迢遞聽巴峽數聲猿啼惟獨箇未有歸計漫空
悵望每每無言獨對斜暉

小鎮西犯

雙調七
十二字

小鎮西犯

柳永

水鄉初禁火青春未老芳菲滿柳汀煙島波際紅幃縹
緲盡杯盤小歌袂襖聲聲諧楚調路繚繞野橋新市
裏花穠妓好引游人競來懽笑酩酊誰家年少信玉山
傾倒家何處落日眠芳草

惜奴嬌

又一體雙調
七十二字

惜奴嬌

梅

史達祖

香剝酥痕自昨夜春愁醒高情寄冰橋雪嶺試約黃昏
便不誤黃昏信人靜倩嬌娥留連秀影吟鬢簪香已
斷了多情病年年待將春管領鏤月描雲不枉了閒心
性謾聽誰敢把紅顏比並

隔浦蓮

浦或作渚或加近字或加近拍二字按之無別雙
調七十三字周美成令漂水時作此調後屬和者
平仄稍異然
無異體也

隔浦蓮

周邦彥

新篁搖動翠葆曲徑通深窈夏果收新脆金丸驚落飛
鳥濃靄迷岸草蛙聲鬧驟雨鳴池沼水亭小浮萍破
處蘆花簷影顛倒綸巾羽扇困卧北牕清曉屏裏吳山
夢自到驚覺依然身在江表

前調

咏白蓮

曾覲

涼秋湖上過雨作意回商素暗綠翻輕蓋蕭然姑射儔
侶妝臉宜淡泞紅衣妒步韞凌波去異香度天教占
斷風汀月浦煙渚纖塵不到夢繞玉壺清處多少芳心

待怨訴無語飛來一片鷗鷺

前調

楊无咎

牆頭低蔭翠幄格磔鳴烏鵲好夢驚回處餘醒推枕猶
覺新晴人意樂雲容薄麗日明池閣卷簾幙披衣散
策閒庭吟繞紅藥殘英幾許尚可一供春酌天氣今宵
怕又惡憑托東風且慢吹落

前調

陸游

飛花如趁燕子直度簾櫳裏帳掩香雲暖金籠鸚鵡驚

起凝恨慵梳洗妝臺畔蘸粉纖纖指寶釵墜才醒又
困懨懨中酒滋味牆頭柳暗過盡一年春事罨畫高樓
怕獨倚千里孤舟何處煙水

前調

陸游

騎鯨雲路倒景醉面風吹醒笑把浮丘袂寥然非復塵
境震澤秋萬頃煙霏散水面飛金鏡露光冷湘妃睡
起鬟傾釵墜慵整臨江舞處零落塞鴻清影河漢橫斜
夜漏永人靜吹簫同過緱嶺

前調 七夕

高觀國

銀灣初霽暮雨鵲赴秋期去淺月窺清夜涼生一天風
露纖巧雲暗度河橋路縹緲乘鸞女正容與西廂舊
約玉嬌誰見私語柔情不盡好似冰綃雲縷回首天涯
又怨阻無語西風魂斷機杼

前調

史達祖

紅塵飛不到處此地知無暑亂竹分幽徑虛堂中自回
互陰壑生暗霧飛泉注氣入閒尊俎快風度齊宮楚

榭如今空鎖煙樹何人伴我夢賦雪車冰柱惟有蟬聲
助冷語驚寤飛雲來獻涼雨

前調

荷花

史達祖

洛神一醉未醒俯鑒窺紅影萬綠森相衛西風靜不放
冷侵曉鷗夢穩非塵境擢月香千頃錦機靚亭亭不
語多應嗔賦玉井西湖遊子慣識雨愁煙恨只恐吳娃
暗折贈耿耿柔絲容易縈損

前調

次周美
成韻

方千里

垂楊煙濕嫩，徐別嶼、環清窈紺影。浮新漲、夷猶終日。魚
鳥花安庭下，草鳴蟬、鬧暗綠藏臺沼。野軒小，敲眠斷
夢閒。書風葉顛倒，詩懷酒思，悔費十年昏曉。投老紅塵
倦，再到愁覺悠然心寄天表。

前調

泊長橋
過重午

吳文英

榴花依舊照眼愁，褪紅絲腕夢繞煙江路。汀菰綠薰風
晚，年少驚送遠。吳蠶老恨緒，紫抽繭，旅情懶。扁舟繫
處，青帘濁酒，須換一番重午。旋買香蒲浮醖，新月湖光

蕩素練人散紅衣香在兩岸

前調

次周美成韻

陳允平

鉛霜初褪鳳葆碧旒侵雲窈萬綠傷春遠林幽樂多禽
鳥斜陽堤畔草游魚鬧暗水流萍沼翠鈿小涼亭醉
倚接羅巾任敲倒月明庭樹夜半鵲飛驚曉隔岸蘋鄉
夢漸到吹覺一襟風露塵表

前調

趙聞禮

愁紅飛眩醉眼日淡芭蕉捲帳掩屏香潤楊花撲春雲

暖啼鳥驚夢遠芳心亂照影收匳晚畫眉懶微醒帶
困離情中酒相半裙腰粉瘦怕按六么歌板簾捲層樓
探舊燕腸斷花枝和悶重撚

前調

劉基

珠簾不卷晝雨弱柳絲千縷事與孤鴻去空相憶同誰
語雲水迷翠羽人何許玉珮沉湘浦悄凝佇春風到
處白蘋香滿洲渚淚篁自老目盡野田平楚未用天涯
悵間阻回顧斜陽猶在高樹

荔支香近

雙調七

十三字

荔支香近

周邦彥

夜來寒侵酒席露微泣烏履初會香澤方熏無端暗雨
催人但怪燈偏簾卷回顧始覺驚鴻去遠大都世間
最苦惟聚散到得春殘看即是開離宴細思別後柳眼
花鬢更誰翦此懷何處消遣

前調

楊澤民

臉霞香消粉薄淚偷泣
金獸沉水微熏入簾綠樹
春陰糝徑紅英風卷芳草
怨碧王孫漸遠錦屏夢回
恍覺雲雨散玉瑟慵調更
嬾醉瓊花宴寶釵翠滑一
縷青絲為君翦別情誰更
排遣

前調

方千里

小園花梢雨歇淚羞泣
碧瓦光霽羅幙香浮鶯啼
燕語交加是處簾櫳高卷
風外認得笙歌近遠醉魂
半縈夜酒吹未散暗憶年
時正日赴西池宴笑攜豔
質郢曲

新聲妙如翦有愁容易排遣

前調

陳允平

未論離亭話別涕先泣旋滌瑤觥深挹芳醪凝愁滿眼
歌殘偎人大白湏卷三勸記得當時送遠素蟾屢明
晦彩雲易散後約難知又却似陽關宴烏絲寫恨悞子
分香為郎翦願郎安信頻遣

風入松

又一體雙調

七十三字

風入松

康與之

一宵風雨送春歸。綠暗紅稀。畫樓鎮日無人到，與誰同
撚花枝。門外薔薇開也，枝頭梅子酸時。玉人應是數
歸期。翠斂愁眉，塞鴻不到，雙魚遠，歎樓前流水難西。
新恨欲題紅葉，東風滿院花飛。

前調

次順
菴韻

吳子孝

日斜池上客，忘歸鶯語都稀。殷勤把酒休辭醉，殘紅猶
戀花枝。新水雨過添後，綠陰春去濃時。美人邂逅本

無期山淺如眉年光恰似東流水苦留連欲挽難西在
藻共知魚樂歸林閒數鴉飛

前調

題畫

張璠

萬山深鎖白雲中煙霧迷空蒼蒼古樹連青岱楓林時
見殘紅茅屋數椽瀟灑江流幾派清澗石橋斜渡小
溪東一徑遙通科頭不整冠和履對松蘿倚杖吟風何
處負囊人至疑童疑友疑翁

前調

明媛

沈宜修

柳絲籠碧碧雲低
淑景遲遲問春幾許
枝頭也野花處
處芳菲夢繞池塘
春草愁聽枝上黃鸝
小庭疎雨又
薔薇瘦損紅衣欲憑遠信
青鸞杳望天邊江樹依依
往事不堪重憶
雲山極目魂迷

郭郎兒

或加近拍二字
雙調七十三字

郭郎兒

柳永

帝里閒居小曲深坊
庭院沉沉朱戶閉
新霽畏景天氣

薰風簾幙無人永晝厭厭如度歲愁瘁 枕簟微涼睡
久輾轉慵起硯席塵生新詩小閣等閒都盡廢這些兒
寂寞情懷何事新來常恁地

師師令

師師角妓名也張先贈詞即
名師師令雙調七十三字

師師令

張先

香鈿寶珥拂菱花如水學妝皆道稱時宜粉色有天然
春意蜀錦衣長勝未起縱亂霞垂地 都城池苑誇桃

李問東風何似不須回扇障清歌脣一點小於朱蕊正
值殘英和月墜寄此情千里

隔簾聽

雙調七
十三字

隔簾聽

柳永

咫尺鳳衾鴛帳欲去無因到鰕鬚窄地重門悄認繡履
頻移洞房杳杳彊語笑逞如簧再三輕巧梳妝早琵琶
閒抱愛品相思調聲聲似把芳心告隔簾贏得斷腸

多少恁煩惱除非共伊知道

河滿子

又一體雙調
七十三字

河滿子

尹鶚

雲雨常陪勝會笙歌慣逐閒遊錦里風光應占玉鞭金
勒驂騑戴月潛穿深曲和香醉脫輕裘方喜正同鴛
帳又言將往皇州每憶良宵公子伴夢魂常挂紅樓欲
表傷離情味丁香結在心頭

于飛樂

又一體雙調
七十三字

于飛樂

張先

寶匳開菱鑑淨一掬清蟾新妝臉旋學花添蜀紅衫雙
繡蝶裙縷鷦鷯尋思前事小屏風仍畫江南怎空教
草解宜男柔桑暗又過春蠶正陰晴天氣更暝色相兼
幽期消息曲房西碎月篩簾

傳言玉女

雙調七

十四字

傳言玉女

上元

晁冲之

一夜東風吹散柳梢殘雪御樓煙煖對鰲山綵結簫鼓
向晚鳳輦初回宮闕千門燈火九衢風月繡閣人人
乍嬉游困又歇豔妝初試把珠簾半揭嬌波溜人手撚
玉梅低說相逢長是上元時節

前調

曾覲

鳳闕龍樓清夜月華初照萬點星毬護花梢寒峭華胥

夢裏老去歡情終少花愁醉悶總消除了
紫陌嬉遊不似少年懷抱珠簾十里聽笙簫聲杳幽期密約暗想
淺顰輕笑良時莫負玉山頻倒

前調

楊无咎

料峭寒生知是那番花信算來都為惜花人做恨看猶
未足早覺枝頭吹盡曲闌幽榭亂紅成陣釀酒花前
試停杯與為問褪香銷粉問東風怎忍韶華過半贏得
幾場春困厭厭空似為花愁損

前調

次岳總
幹韻

黃機

日薄風柔池面欲平還皺紋楸玉子磔磔敲春晝衾繡
半捲花氣濃熏香獸小團初試轆轤銀甃夢斷陽臺
甚情懷似病酒鳳匳羞對比年時更瘦雙燕乍歸寄與
綠牋紅豆那堪又是牡丹時候

前調

上元

趙善扛

璧月珠星輝映小桃穠李化工容易與人間富貴東風
巷陌春在煖紅溫翠人來人去笑歌聲裏油壁青驄

第一番共燕喜舉頭天上有月如人意歌傳樂府猶是
昇平風味明朝須判醉眠花底

前調

石孝友

雪壓梅梢金裊柳絲輕展錦官春早乍風和日煖華茵
翠輅九陌綺羅香滿連空燈火滿城蕭管月射西樓
更交光照夜宴萬人擁路指鼇山共看花旗翠帽到處
朱簾高卷歸時常是漏殘銀箭

前調

錢塘
元夕

汪元量

一片風流今夕與誰同樂月臺花館慨塵埃漠漠豪華
蕩盡只有青山如洛錢唐依舊潮生潮落萬點燈光
羞照舞鈿歌箔玉梅消瘦恨東皇命薄昭君淚流手撚
琵琶絃索離愁聊寄畫樓哀角

前調

蝶

劉基

為問韓憑何事化為蝴蝶妒風羞雨一身輕似葉園林
晝永麗日晴烟相接舞回柳眼拍翻花頰殢粉迷香
困酣猶自未慳鉏雲深處更愁濃露浥何況素秋枝上

曉霜披鬣祗應無奈翠消紅歇

風入松

又一體雙調
七十四字

風入松

晏幾道

柳陰庭院杏梢牆依舊巫陽鳳簫已遠青樓在水沉難
復暖前香臨鏡舞鸞離照倚箏飛雁辭行墜鞭人意
自淒涼淚眼回腸斷雲殘雨當年事到如今幾處難忘
兩袖曉風花陌一簾夜月蘭堂

前調

晏幾道

心心念念憶相逢
別恨誰濃就中懊惱難拚處是擘釵
分鈿匆匆却似桃源路
失落花空記前蹤
彩牋書盡浣溪紅
深意難通強歡殢酒圖消遣
到醒來愁悶還重
若是初心未改多應此意須同

前調

周紫芝

禁煙過後落花天
無奈輕寒東風不管春歸去
共殘紅飛上秋千看盡天涯芳草
春愁堆在闌干
楚江橫斷

夕陽邊無限青煙舊時雲去今何處山無數柳漲平川
與問風前回雁甚時吹過江南

前調

舟泛
瀟湘

趙師俠

溪山佳處是湘中今古言同平林遠岫渾如畫更漁村
返照斜紅兩岸荻風策策一江秋水溶溶蒼崖石壁
景尤雄人自西東利名汨沒黃塵裏又那知清勝無窮
何日輕舸蓑笠持竿獨釣西風

前調

曹冠

瑤煙斂散媚晴空雲淡奇峰澄江金斗平波面扁舟載
蓑笠漁翁髣髴輞川圖上依稀苔雲溪中 春鉏掠水
浪花重飛傍蘆叢綺霞斜映征鴻影供吟毫佳景無窮
頓起騎鯨游興冷然獨御清風

前調

陸游

十年裘馬錦江濱酒隱紅塵萬金選勝鶯花海倚踈狂
驅使青春吹笛魚龍盡出題詩風月俱新 自憐華髮
滿紗巾猶是官身鳳棲常記當年語問浮名何似身親

欲寄吳牋說與這回真箇閒人

前調

謝懋

老來常憶少年狂宿粉棲香自憐獨得東君意有三年
窺宋東牆笑舞落花紅影醉眠芳草斜陽事隨春夢
去悠揚休教思量近來眼底無姚魏有誰更管領年芳
換得河陽衰鬢一簾烟雨梅黃

前調

高觀國

卷簾日日恨春陰寒食新晴馬蹄只向南山去長橋愛

花柳多情紅外風嬌日暖翠邊水秀山明 杜郎歌酒
過平生到處蓬瀛醉魂不入重城晚穠歡寄桃葉桃根
繡被嫩寒清曉鶯聲喚醒春酲

前調

聞鄰女
吹笛

高觀國

粉嬌曾隔翠簾看橫玉聲寒夜深不管柔荑冷櫻朱度
香噴雲鬟霜月搖搖吹落梅花簌簌驚殘 蕭郎且放
鳳簫閒何處驂鸞靜聽三弄霓裳罷魂飛斷愁裏闕山
三十六宮天近念奴却在人間

前調

茉莉花

史達祖

素馨跗萼太寒生多翦春冰夜深綠霧侵涼月照晶晶
花葉分明人卧碧紗幮淨香吹雪練衣輕頻伽銜得
墮南薰不受纖塵若隨荔子華清去定空埋身外芳名
借重玉爐沈炷起予石鼎湯聲

前調

韓流

小樓春映遠山橫綠徧高城望中一片斜陽靜更萋萋
芳草還生霏雨冷煙寒食落花飛絮清明數聲絃管

忍重聽猶帶微醒問春何事春將老春不語春恨難平
莫把風流時節都歸閒淡心情

前調

冬至

李肩吾

霜風連夜做冬晴曉日千門香葭暖透黃鐘管正玉臺
彩筆書雲竹外南枝意早數花開對清尊香閨女伴
笑輕盈倦繡停鍼花甌一線添紅影看從今迤邐新春
寒食相逢何處百單五箇黃昏

前調

趙聞禮

麴塵風雨亂春晴
花重寒輕珠簾卷
上還重下怕東風
吹散歌聲棋倦杯
傾晝永粉香花豔
清明十分無處
著閒情來覓娉婷
薔薇誤罨尋春袖
倩柔荑為補香痕
苦恨啼鴉驚夢何
時翦燭重盟


前調

又一體

王廷相

秋風瑟瑟送年華
搖落總堪嗟
登高不盡茱萸盞
分明孤負黃花
休恨山長水闊
不妨夢裏還家
江湖日日老蘆葭
雁滿平沙
浮雲遮斷來時路
路迷離難問仙槎

空採蘅香滿袖憑誰寄向天涯



御選歷代詩餘卷四十七

欽定四庫全書

集部

御選歷代詩餘卷四十八

詳校官中書_臣潘有為

侍讀_臣孫球覆勘

總校官進士_臣朱鈐

校對官主事_臣陳文樞

謄錄監生_臣方汝觀

欽定四庫全書

御選歷代詩餘卷四十八目錄

起七十四字
至七十六字

河滿子 又一體

毛熙震 二首

晏幾道 二首

張先

蘇軾

杜安世 二首

孫洙

張草

沈士銑

前調又一體

毛滂

臨江仙又一體

柳永二首

別銀燈

杜安世

金錢子

劉基

碧牡丹

晏幾道

解蹀躞

周邦彥

楊无咎

方千里

吳文英

陳允平

訴衷情近

柳永 二首

前調 又一體

沈宗堦

前調 又一體

晁補之

碧牡丹

又一體

張先

晁補之

二首

風入松

又一體

吳文英

戈止

長生樂

晏殊

下水船

黃庭堅

賀鑄

前調

又一體

晁補之

蕊珠閒

又一體

趙彥端

越溪春

吳子孝

番槍子

韓玉

李獻能

剔銀燈

又一體

毛滂

御街行

晏幾道

二首

張先

柳永

晁補之

二首

王安中

辛棄疾

婆羅門引

曹組

蔡伸

辛棄疾

三首

吳文英

李宴

元好問

李俊民

張翥

荔支香

又一體

卷四十六 金
柳永

周邦彥

方千里

楊澤民

吳文英

二首

陳允平

于飛樂

又一體

毛滂

三首

離亭宴 又一體

張先

越溪春 又一體

歐陽修

下水船 又一體

晁補之

風入松 又一體

侯寘 二首

于國寶

吳文英
三首

蔣捷

周密

張炎
十二首

御選歷代詩餘卷四十八目錄

欽定四庫全書

御選歷代詩餘卷四十八

起七十四字
至七十六字

司經局洗馬掌局事兼翰林院修撰加二級臣王奕清奉

目校刊

河滿子

又一體雙調
七十四字

河滿子

毛熙震

寂寞芳菲暗度歲華如箭堪驚緬想舊歡多少事轉添

欽定四庫全書

御選歷代詩餘

春思難平曲檻絲垂金柳小牕絃斷銀箏 深院空聞
燕語滿園閒落花輕一片相思休不得恐教長日愁生
誰見夕陽孤夢覺來無限傷情

前調

毛熙震

無語殘粧淡薄含羞韞袂輕盈幾度香閨眠過曉綺牕
疎日微明雲母帳中偷惜水晶枕上初驚 笑靨嫩疑
花坼愁眉翠斂山橫相望只教添悵恨整鬟時見纖瓊
獨倚朱扉閒立誰知別有深情

前調

晏幾道

對鏡偷勻玉筋背人學寫銀鈎紅豆繫誰羅帶角心情
正著春遊那日楊花陌上多時杏子牆頭眼底闕山
無奈夢中雲雨空休問看幾許憐才意兩蛾藏盡離愁
難拚此回腸斷終須鎖定紅樓

前調

晏幾道

綠綺琴中心事齊紈扇上時光五陵年少渾薄倖輕如
曲水飄香夜夜魂銷夢峽年年淚盡啼湘歸雁行邊

遠字驚鸞舞處離腸蕙樓多少鉛華在從來錯倚紅妝
可羨鄰姬十五金釵早嫁王昌

前調

泛湖
夜歸

張先

溪女送花隨處沙鷗避樂分行遊舸已如圖障裏小屏
猶畫瀟湘人面新生酒豔日痕更欲春長衣上交枝
鬪色釵頭比翼相雙片段落霞明水底風紋時動妝光
宿從夜歸無月千燈萬火湖塘

前調

湖州
作

蘇軾

見說岷峨悽愴旋聞江漢澄清但覺秋來歸夢好西南
自有長城東府三人最少西山八國初平莫負花溪
縱賞何妨藥市微行試問當壚人在否空教是處聞名
唱著子淵新曲應須分外公情

前調

杜安世

細雨裛開紅杏新妝粉面鮮明東君何事教來早更無
綠葉同榮獨倚青樓吟賞目前無限輕盈薄命不依
闌檻高情或占郊垌清香繁豔真堪重枉教寂寞彫零

相次牡丹芍藥王孫誰道多情

前調

杜安世

柳嫩不禁搖動梅殘儘任飄零雨餘天氣來深院向陽
纖草重青寂寞小桃初綻兩三枝上紅英 又見雲中
歸雁嗶嗶斷續和鳴年年依舊無情緒鎮常冷落銀屏
不語閒尋往事微風頻動簾旌

前調

孫洙

悵望浮生急景淒涼寶瑟餘音楚客多情偏怨別碧山

遠水登臨目送連天衰草夜闌幾處踈砧
黃葉無風自落秋雲不雨長陰天若有情天亦老
搖搖幽恨難禁惆悵舊歡如夢覺來無處追尋

前調

中秋

張草

月破秋寒灑背霜沾露影侵牀鐵笛幾聲今夜起記來
曲子霓裳孤杵響聽畫角吹笳人夢瀟湘鉛水漱如
青淚江楓倩似紅粧啼雁半行蘆荻老晶晶波下橫塘
往事思量一夜朝來直却迴腸

前調

沈士銑

斷雨殘雲意緒時時飛繞天涯纖指思將幽恨寫背人
搗碎琵琶憶昔樓中燕子十年坐擲風華暗水通流
曲徑秋千影弄平沙半榻桐花香換夕夢魂知落誰家
炙得一牕新碧日光重上溪紗

前調

又一體

毛滂

急雨初收珠點雲峰巉絕天半轆轤金井卷甘冽簾外
翠陰遮徧波翻水精重簾秋在琉璃雙簾漏永流光

緩緩未放崦嵫晚晚紅荷綠芰暮天好小宴水亭風館
雲亂香噴寶鴨月冷釵橫玉燕

臨江仙

又一體雙調
七十四字

臨江仙

柳永

渡口向晚乘瘦馬陟崇岡西郊又送秋光對暮山橫翠
襯殘葉飄黃憑高念遠素景楚天無處不淒涼香閨
別來無信息雲愁雨恨難忘指鳳城歸路但烟水茫茫

凝情望斷淚眼盡日獨立斜陽

前調

柳永

上國去客停飛蓋促離筵長安古道絲絲見岸花啼露
對堤柳愁煙物情人意向此觸目無處不淒然醉擁
征驂猶竚立盈盈淚眼相看況繡幃人靜更山館春寒
今宵怎向漏永頓成兩處孤眠

別銀燈

雙調七十四字宋毛滂自製此調賦侑歌者以詞
中頻別燈語名之但毛詞多一字此則後人所損

也

剔銀燈

杜安世

昨夜一場風雨催促牡丹歸去
孫武宮中石崇樓下多情怎生為主
真疑洛浦雲水算杳無重數
獨倚闌干凝佇香片亂沾塵土
爭似當初不曾相見免恁惱人腸
肚綠叢無語空留得寶刀翦處

金錢子

雙調七

十四字

欽定四庫全書

御選歷代詩餘

金錢子

午日

劉基

雲淡風微江雨欲來還去倚闌干鬢霜千縷白水青蕪
是征鴻歸處望盡天涯夕陽猶在深深樹艾葉榴花
又上阿誰門戶悄空梁燕離自語王謝亭臺杳不知何
許獨立蒼茫亂鴉啼滿城鐘鼓

碧牡丹

雙調七

十四字

碧牡丹

晏幾道

翠袖踈紈扇涼葉催歸雁一夜西風幾處傷高懷遠細
菊枝頭開嫩香還徧月痕依舊庭院事何限悵望秋
意晚離人鬢華將換靜憶天涯路比此情還短試約鸞
牋傳素期良願南雲應有新雁

解蹀躞

本商調曲名後以名
詞雙調七十五字

解蹀躞

周邦彥

候館丹楓吹盡回旋隨風舞夜寒霜月飛來伴孤旅還

是獨擁秋衾夢餘酒困都醒滿懷離苦甚情緒深念
凌波微步幽房暗相遇淚珠都作秋宵枕前雨此恨音
驛難通待憑征雁歸時帶將愁去

前調

楊无咎

迤邐韶華將半桃杏勻於染又還撩撥春心倍悽黯準
擬酩酊狂吟可憐無復當年酒腸文膽倦遊覽顚顚
羞窺鸞鑑眉端為誰斂可堪風雨無情暗亭檻觸目千
點飛紅問春爭得春愁也隨春減

前調

次周美成韻

方千里

院宇無人晴晝靜看簾波舞自憐春晚漂流尚羈旅那
沉淚濕征衣恨添客鬢終日子規聲苦動離緒漫整
徘徊愁步何時再相遇舊歡如昨匆匆楚臺雨別後南
北天涯夢魂猶記關山屢隨書去

前調

別情

吳文英

醉雲又兼醒雨楚夢時來往倦蜂剛著梨花惹游蕩還
做一段相思冷波葉舞愁見送人雙槳暗凝想情共

天涯秋黯朱橋鎖深巷會稀投得輕分頓惆悵此去幽
曲誰來可憐殘照西風半粧樓上

前調

次周美成韻

陳允平

岸柳飄殘黃葉尚學纖腰舞謝他終日亭前伴羈旅無
奈歷歷寒蟬為誰喚老西風伴人吟苦悶無緒記得
芙蓉江上蕭娘舊相遇如今憔悴黃花慣風雨把酒東
望家山醉來一枕閒牕夢隨秋去

訴衷情近

雙調七

十五字

訴衷情近

柳永

雨晴氣爽佇立江樓望處澄明遠水生光重疊暮山聳
翠遙想斷橋幽徑隱隱漁村向晚孤煙起殘陽裏脈
脈朱闌靜倚黯然情緒未飲先如醉愁無際暮雲過了
秋風老盡故人千里竟日空凝睇

前調

柳永

幽閨晝永漸入清和氣候榆錢飄滿閒階蓮葉嫩生翠

迢遙望水邊幽徑山掩孤村是處園林好
閒情悄綺陌遊人漸少少年風韻自覺隨春老
前遊杳鳳城信阻天涯目斷暮雲芳草佇立空殘照

前調

又一體江行有感

沈宗堦

霞淡霜濃說是嚴冬正早迷離一望丹楓漸落江皋深
草伴我秋容寂寂野服踈踈漫道風光好孤颿悄數
盡長安春老而今細想爭似春年少金尊倒劍光蕭冷
雄心瀟落斷篙撐盡風帶孤雲繞

前調

又一體

晁補之

小園過午便覺涼生翠柏戎葵間出牆紅萱草靜依徑
綠還是去年浮瓜沉李追涼故遶池邊竹 小筵促忽
憶楊梅正熟下山南畔畫舸笙歌逐愁凝目使君彩筆
佳人錦字斷絃怎續盡日闌干曲

碧牡丹

又一體雙調

七十五字

碧牡丹

張先

步障搖紅綺，曉月墮沉烟。
砌緩板香檀，唱徹伊家新製。
怨入眉頭，斂黛峰橫翠。
芭蕉寒雨聲碎，鏡華翳，閒照孤鸞戲。
思量去時容易，鈿合瑤釵，至今冷落，輕棄望極。
藍橋但暮雲千里，幾重山，幾重水。

前調

王晉卿宅觀舞

晁補之

院宇簾垂地，銀箏雁低春水。
送出燈前，婀娜腰肢，柳細步，感香裊紅浪。
隨鴛鴦履，梁州紫鳳翹墜。
竦輕體，繡帶因風起。
霓裳恐非人世，調促香檀，困入流波，生媚上客。

休辭眼亂尊中翠玉階霜透羅袂

前調

晁補之

睡起情無著曉雨盡春寒弱酒盞飄零幾日頓踈行樂
試數花枝問此情何若為誰開為誰落 正愁却不是
花情薄花元笑人蕭索舊觀千紅至今冷夢難託燕麥
春風更幾人驚覺對花羞為花惡

風入松

又一體雙調
七十五字

風入松

雲麓園堂燕客

吳文英

一番疎雨洗芙蓉。玉冷丁東。轆轤聽帶秋聲轉，早涼生、傍井疎桐。歡宴良宵好月，佳人修竹清風。臨池飛閣乍青紅。移酒小垂虹。貞元供奉梨園曲，稱十香、深蘸璚鍾。醉夢孤雲曉色，笙歌一派秋空。

前調

漫興

戈止

生涯應作浣花翁。事事疎慵。結廬恰喜塵囂外，栽花地、雨碧霜紅。家在亂雲深處，人來流水聲中。年年相識

舊東風排我小簾櫳
榆錢落盡萍錢綠
奚囊在不畏詩窮
夜泛試移短櫂
曉眠常過高舂

長生樂

雙調七

十五字

長生樂

晏殊

玉露金風月正圓
臺榭早涼天
畫堂嘉會組繡列芳筵
洞府星辰龜鶴來
添福壽歡聲喜色同
入金爐泛濃煙
清歌妙舞急管繁絃
榴花滿酌觥船人盡祝富貴又

長年莫教紅日西晚留著醉神仙

下水船

雙調七
十五字

下水船

黃庭堅

總領神仙侶齊到青雲岐路丹禁風微咫尺諦聞天語
盡榮遇看即如龍變化一擲靈梭風雨真游處上苑
尋春去芳草芊芊迎步幾曲笙歌櫻桃宴裏歡聚瑤觴
舉回祝堯齡萬萬端的君恩難負

前調

賀鑄

芳草青門路還拂京塵東去回想當年離聲送君南浦
愁幾許尊酒留連薄暮簾捲津樓煙雨凭闌語草草
蘅皋賦分首驚鴻不駐燈火虹橋難尋弄波微步漫凝
佇莫怨無情流水明日扁舟何處

前調

又一體
瓊花

晁補之

百紫千紅翠惟有瓊花特異便是當年唐昌觀中玉蕊
尚記得月裏仙人來賞明日喧傳都市甚時又分與

揚州本一朶冰姿難比曾向無雙亭邊半酣獨倚似夢
覺曉出瑤臺十里猶憶飛瓊標致

蕊珠間

又一體雙調
七十五字

蕊珠間

趙彥端

浦雲融梅風斷碧水無情輕度有嬌鶯上林梢向春欲
舞綠烟迷晝淺寒欺暮不勝小樓凝佇 倦游處故人
相見易阻花事從今堪數片帆無恙好在一篙新雨醉

袍宮錦畫羅金縷莫教恨傳幽句

越溪春

雙調七十五字始於歐陽修詞中語
但歐詞七十六字此亦後人所損也

越溪春

探梅

吳子孝

碧宇雲寒風又峭閒探曲溪邊乍逢姑射神仙點雪偏
清片玉孤妍羅韞無塵冰肌不粟臨水嫣然萬花誰
敢爭先獨占小春天暗聞香氣霏霏遙度中宵澹月籠
烟試問青青成子後調鼎是何年

番槍子

雙調七十五字一名春草碧本韓玉詞中語
得名或分二調以平仄稍異然實無別也

番槍子

韓玉

莫把團扇雙鸞隔要看玉溪頭春風客妙處風骨瀟閒
翠羅金縷瘦宜窄轉面兩眉攢青山色到此月想精
神花似秀質待與不清狂如何得奈何難駐朝雲易成
春夢恨又積送上七香車春草碧

前調

李獻能

紫簫吹破黃州月
簌簌小梅花飄香雪
寂寞花底風鬟
顏色如花命如葉
千里浣兵塵凌波韞
心事鑑影鸞
孤箏絃雁絕
舊時雪堂人
今華髮斷腸金縷新聲杯深
不覺琉璃滑
醉夢遶南雲
花上蝶

剔銀燈

又一體雙調七十五
字調名始於此詞

剔銀燈

賦侑
歌者

毛滂

簾下風光自足春
忽到席間屏曲
瑤甕酥融羽觴蟻鬪

花映鄮湖寒綠汨羅愁獨又何似紅圍翠簇聚散悲
歡箭速不易一杯相屬頻別銀燈別聽牙板尚有龍膏
堪續羅熏繡馥錦瑟畔低迷醉玉

御街行

雙調七
十六字

御街行

晏幾道

年光正似花梢露彈指春還暮翠眉仙子望歸來倚徧
玉城珠樹豈知別後好風涼月往事無尋處狂情錯

向紅塵住忘了瑤臺路碧桃花蕊已應開欲伴彩雲飛
去回思十載朱絃青鬢枉被浮名誤

前調

晏幾道

街南綠樹春饒絮雪滿遊春路樹頭花豔雜嬌雲樹底
人家朱戶北樓閒上疎簾高卷直見街南樹 闌干倚
盡猶慵去幾度黃昏雨晚春盤馬踏青苔曾傍綠陰深
駐落花猶在香屏空掩人面知何處

前調

張先

畫船橫倚煙溪半春入吳山徧主人憑客且遲留程入
花溪遠遠數聲蘆葉兩行霓袖幾處成離宴紛紛歸
騎亭皋晚風順檣烏轉古今惟別最銷魂因別有情須
怨高臺獨上不堪凝望目與飛雲斷

前調

柳永

燭柴烟斷星河曙寶輦回天步端門羽衛簇雕欄六樂
舜韶先舉鶴書飛下雞竿高聳恩澤均寰宇赤霜袍
爛飄香霧喜色成春煦九儀三事仰天顏八彩旋生眉

宇椿齡無盡蘿圖有慶常作乾坤主

前調

晁補之

年年不放春閒了
今歲銜杯少
來時柳上淺金黃
歸路玉絲吹帽
惜春長似五陵狂
俊不道朱顏老
斜煙薄雨青林杳
猶有鶯聲到
西園紅豔綠盤龍
辜負一年春好
錦城樂事不關愁
眼何似還家早

前調

晁補之

天街月照珠簾粉
彈轡曾相近
繁華樂事老來慵
對酒

尚憐佳景王孫年少風流應更無奈春愁悶
幽期莫悞香閨恨羅帶今朝褪月圓花好一般春觸處總堪乘興有人惆悵何如歸好相見憑君問

前調

賜衣
襖子

王安中

清霜飛入蓬萊殿別進雲裘軟却回宸慮念多寒詔語
日邊親遣冰蠶繇厚金鵬錦好永夜縫宮線紅旌絳
旆迎星傳喜氣歡聲遠廟堂勲舊使臺賢領袖坐中爭
絢天香馥郁君恩歲歲一醉春生面

前調

辛棄疾

山城甲子冥冥雨門外青泥路杜鵑只是等閒啼莫被
他催歸去垂楊不語行人去後也會風前絮情知夢
裏尋鵲鷺玉殿追班處怕君不飲太愁生不是苦留君
住白頭笑我年年送客自歎春江渡

婆羅門引

雙調七十六字婆羅門外國名唐楊敬述進婆羅
門曲後改為霓裳羽衣唐樂志載婆羅門國舞宋
隊舞亦有此名遂以名詞調以曹組詞為望月
而作又有加望月二字者本調名止四字也

婆羅門引

望月

曹組

漲雲暮卷漏聲不到小簾櫳
銀河淡埽澄空皓月當軒
高挂秋入廣寒宮正金波不動桂影朦朧
佳人未逢歎此夕與誰同
望遠傷懷對影霜滿秋紅
南樓何處想人在長笛一聲中
凝淚眼立盡西風

前調

再游仙潭
薛氏園亭

蔡伸

素秋向晚歲華分付木芙蓉
蕭蕭紅蓼西風記得當時
擷翠擁手遶芳叢
念吹簫人去明月樓空
遙山萬重

望寸碧想眉峰翠鈿瓊璫謾好誰適為容淒涼懷抱算
此際唯我與君同凝淚際目送征鴻

前調

別杜叔高

辛棄疾

落花時節杜鵑聲裏送君歸未消文字湘纍只怕蛟龍
雲雨後會渺難期更何人念我老大傷悲已而已而
算此意只君知記取岐亭買酒雲洞題詩爭如不見纔
相見便有別離時千里月兩地相思

前調

用韻別郭逢道

辛棄疾

綠陰啼鳥陽關未徹早催歸歌珠悽斷累累回首海山
何處千里共襟期歎高山流水絃斷堪悲中心悵而
似風雨落花知更擬停雲君去細和陶詩見君何日待
瓊林宴罷醉歸時人爭看寶馬來思

前調

趙晉臣數文
張燈索賦

辛棄疾

落星萬點一天寶燄下層霄人間疊作仙鰲最愛金蓮
側畔紅粉裊花梢更鳴鼉擊鼓噴玉吹簫曲江畫橋
記花月可憐宵相見閒愁未了宿酒纔消東風搖蕩似

楊柳十五女兒腰人共柳那箇無聊

前調

吳文英

香霏泛酒瘴花初洗玉壺冰西風乍入吳城吹徹玉笙
何處曾說董雙成奈司空經慣未暢高情 瑤臺幾層
但夢遶曲欄行空憶雙蟬疊翠寂寂秋聲堂空露冷倩
誰喚行雲來洞庭團扇月只隔煙屏

前調

保德西樓作

李 宴

汗融畏日豈知高處有風清倚闌襟袖涼生坐看歸雲

脫壞不礙亂峯青待目窮千里却怕傷情 河汾古城
聽裂岸怒濤驚好是烽沉幽障鼓卧邊亭西樓老子
無用胸中十萬兵酒到處莫放杯停

前調

望月

元好問

素蟾散彩九秋風露發清妍嫦娥儘有情緣留著盈盈
三五永夜照凭肩看晚妝臨鏡若箇嬋娟 尋常月圓
恨都向舊時偏幾度郵亭枕上茅店尊前珠明玉秀算
一日相看一日仙人共月長似今年

前調

東湖
賞菊

李俊民

浮雲霽色江涵秋影雁初飛相逢共繞東籬點檢尊前
見在人似曉星稀對滿山紅樹葉葉堪題 大家露頂
任短髮被風吹只恐黃花人貌不似年時杯添野水更
何用頻頻望白衣沉醉後攜手方歸

前調

七月望西
湖觀水燈

張翥

暮天映碧玻璃千頃蕊珠宮金波擁出芙蓉誰喚川妃
微步一色夜妝紅看光搖星漢起舞魚龍 月華正中

卷四十八
畫船漾藕花風聲度鸞簫縹緲雁柱玲瓏酒闌興極更
移上瓊樓十二重殘醉醒煙水連空

荔支香

又一體雙調
七十六字

荔支香

柳永

甚處尋芳賞翠歸來晚緩步羅韞生塵來遶瓊筵看金
縷霞衣輕褪似覺春游倦遙認衆裏盈盈好身段擬
回首又佇立簾幃畔素臉紅眉時揭蓋頭微見笑整金

翹一點芳心在嬌眼王孫空恁腸斷

前調

周邦彥

照水殘紅零亂風喚去盡日側側輕寒簾底吹香霧黃
昏客枕無憀細響當牕雨閒看兩兩相依燕新乳樓
下水漸綠徧行舟浦暮往朝來心逐片帆輕舉何日迎
門小檻朱籠報鸚鵡共翦西牕蜜炬

前調

次周美
成韻

方千里

勝日登臨幽趣乘興去翠壁古木千章林影生寒霧空

濛冷濕人衣山路原無雨深澗斗瀉飛泉溜甘乳
漁唱晚看小櫂歸前浦笑指官橋風颭酒旗斜舉還脫宮
袍一醉芳杯倒鸚鵡幸有雕龍蠟炬

前調

次周美成韻

楊澤民

瞰水素多佳趣春未去繡桷陡起凌空隱隱籠輕霧已
飛畫棟朝雲又卷西山雨相與共煮新茶取花乳開
宴處倚北榭臨南浦迤邐扁舟雙槳櫂歌齊舉座上嘉
賓妙句無非賦鸚鵡莫惜高燒蠟炬

前調

送人游南徐

吳文英

錦帶吳鉤征思橫淮水夜吟敲落霜紅船傍楓橋繫相思不管年華喚酒吳娃市因語駐車新堤步秋綺淮楚尾暮雲送人千里細雨南樓香密錦溫曾醉花谷依然秀靨偷春小桃李為語夢牕憔悴

前調

七夕

吳文英

睡起時聞晚鵲噪庭樹又說今日天津西畔重歡遇蛛絲暗鎖紅樓燕子穿簾處天上未比人間更情苦秋

鬢改妒月姊長眉嫵過雨西風數葉并梧愁舞夢入藍
橋幾點踈星映朱戶淚濕河邊凝佇

前調

次周美
成韻

陳允平

杜宇聲聲頻喚春漸去暗碧柳色依依湖上迷青霧殘
香淨洗紅蘭昨夜朱鉛雨金泥帳底雙虬自沉乳 天
際漸迤邐片帆南浦一笑薔薇別後酒杯慵舉江上琵琶
莫遣東風誤鸚鵡淚擁通宵蠟炬

于飛樂

又一體雙調
七十六字

于飛樂

和曹子方

毛滂

水邊山雲畔水新出烟林送秋來雙檜寒陰檜堂寒香
霧碧簾箔清深放衙隱几誰知共雲水無心望西園
飛蓋夜月到清尊為詩翁露冷風清褪紅裙去碧袖花
草爭春勸翁須飲莫辜負風月留人

前調

毛滂

記昔騰濃睡裏一片行雲未多時夢破雲驚曉轡轡聲

斷也井底銀餅不如羅帶等閒時結得同心 繫畫船
楊柳岸曉月亭亭記陽關斷韻殘聲被西風吹玉枕酒
魄還清有些言語獨自箇說與誰應

前調

毛滂

並梅兄雙蝶子烟縷衫輕鳳凰釵繚繞香雲淡淡梳妝
得恁雪膩酥勻揉春捻就更是他花與精神 黛尖低
桃萼破微笑輕顰早做成後夢勞魂好風外佳月下莫
忘行人扁舟去也沒箇事多樣離情

離亭宴

又一體雙調
七十六字

離亭宴

公擇別
吳興

張先

捧黃封詔卷隨處是離亭別宴紅翠成輪歌未徧已恨
野橋風便此去濟南非久惟有鳳池鸞殿 三月花飛
幾片又減却芳菲過半千里恩深雲海淺民愛比春流
不斷更上玉樓西歸雁與征帆共遠

越溪春

又一體雙調七十六
字調名始於此詞

越溪春

歐陽修

三月十三寒食日春色徧天涯越溪閨苑繁華地傍禁
垣珠翠烟霞紅粉牆頭秋千影裏臨水人家歸來晚
駐香車銀箭透牕紗有時三點兩點雨霽朱門柳細風
斜沈麝不燒金鴨冷玲瓏月照梨花

下水船

又一體雙調
七十六字

下水船

廖明畧
妓田氏

晁補之

上客驪駒繫驚喚銀鉗睡起困倚妝臺盈盈正解螺髻
鳳釵墜繚繞金盤玉指巫山一段雲委半窺鏡向我
橫秋水斜頷花枝交鏡裏淡拂鉛華匆匆自整羅綺
眉翠雖有惜惜密意空作江邊解珮

風入松

又一體雙調
七十六字

風入松

西湖

侯寘

少年心醉杜韋孃，曾格外踈狂。錦箋預約西湖上，共幽
深竹院，松牕愁夜，黛眉顰翠。惜歸羅帕分香，重來一
覺夢黃梁。空煙水微茫，如今眼底無姚魏。記舊游凝佇，
淒涼入扇，柳風殘酒，點衣花雨，斜陽。

前調

侯寘

東樓烟重暗山光，春意墮微茫。小紅嫩綠，勻如翦，黯無
言雲渡澄江。沒處與人消遣，倚闌情寄斜陽。共君今
夜舉清觴。投老各殊方。算來官事何時了，恨花時、潘鬢
夜。

先霜喚取客帆聊住將予同下瀟湘

前調

題酒肆

于國寶

一春長費買花錢日日醉湖邊玉驄慣識西湖路驕嘶
過沽酒樓前紅杏香中歌舞綠楊影裏秋千暖風十
里麗人天花壓鬢雲偏畫船載得春歸去餘情付湖水
湖烟明日重扶殘醉來尋陌上花鈿

前調

春晚感懷

吳文英

聽風聽雨過清明愁草瘞花銘樓前綠暗分攜路一絲

柳一寸柔情料峭春寒中酒交加曉夢啼鶯西園日
日埽林亭依舊賞新晴黃蜂頻撲秋千索有當時纖手
香凝惆悵雙鴛不到幽堦一夜苔生

前調

吳文英

蘭舟高蕩漲波涼愁被矮橋妨暮烟疎雨西園路悞秋
孌淺約宮黃還泊郵亭喚酒舊曾送客斜陽蟬聲空
曳別枝長似曲不成商御羅屏底翻歌扇憶西湖臨水
開牕和醉重尋幽夢殘衾已斷熏香

前調

鄰舟
妙香

吳文英

畫船簾密不藏香，飛作楚雲狂。
傍懷半卷金爐燼，怕煖消春日、朝陽清馥。
晴熏殘醉，斷烟無限，思量凭闌心事。
隔垂楊樓燕鎖幽妝，梅花偏惱多情。
月慰溪橋流水，昏黃哀曲，霜鴻悽斷。
夢魂寒蝶悠揚。

前調

蔣捷

東風方到舊桃枝，仙夢已雲迷。
畫闌紅子，檣蒲處，依然
是春晝。簾垂恨殺，河東獅子，驚回海底鷗兒。
羣芳小

步莫嫌遲此去却慵移斷腸不在分襟後元來在襟未
分時柳岸猶攜素手蘭房早掩朱扉

前調

立春

周密

柳梢烟暖已毵瓏嬌眼試東風晴絲又逐青絲亂剩寒
輕猶戀芳櫳笋玉新裁蚤燕杏鈿時引晴蜂當時蘭
柱繫花驄人在小樓東嬌鶯戲索迎春句愛露牋新染
香紅未信閒情更懶探花拚醉瓊鍾

前調

賦稼村

張炎

老來學圃樂年華茅屋短籬遮
兒孫戲逐田翁去小橋橫路轉
三叉細雨一犁春意西風萬寶
生涯攜筇猶說渡晴沙流水帶
寒鴉門前少得寬閒地遠平疇
盡是桑麻却笑牧童遙指杏花
深處人家

前調

岫雲

張炎

卷舒無意入虛玄丘壑伴雲烟
石根青氣千年潤覆孤松深護
啼猿靄靄靜隨仙隱悠悠閒對
僧眠傍花嬾向小溪邊空谷覆
流泉浮蹤自感今如此已無心
萬里

行天記得看人歸去御風飛過斜川

前調

酒邊
偶賦

張炎

小牕晴碧颭簾波畫影舞飛梭惜春休問花多少柳成
陰春已無多金字初尋小扇銖衣早試輕羅園林未
肯受清和人醉牡丹坡嘯歌且盡平生事問東風畢竟
如何燕子尋常巷陌酒邊莫唱西河

前調

張炎

一春不是不尋春終是不快人好懷漸向終年減對歌

鐘渾沒風情短帽怕黏飛絮輕衫厭撲游塵 煖香十
里軟鶯聲小舫綠楊陰夢隨蝴蝶飄零後尚依依花月
關心惆悵一株梨花明年甚處清明

前調

題澄江仙
刻海山圖

張炎

危樓古鏡影猶寒倒影忽相看桃花不識東西晉想如
今也夢邯鄲縹緲神仙海上飄零圖畫人間 寶光丹
氣共迴環水弱小舟閒秋風難老三株樹尚依依脆管
清彈說與霓裳莫舞銀橋不到深山

前調

聽琴中
彈樵歌

張炎

松風掩晝隱深清流水自泠泠一從柯爛歸來後愛絃
聲不愛枰聲頗笑山中散木翻憐爨下勞薪透雲遠
響正丁丁孤鳳劃然鳴疑行嶺上千秋雪語高寒相應
何人回首更無尋處一江風雨潮生

前調

為山
村賦

張炎

晴嵐暖翠護煙霞喬木晉人家幽居只恐歸圖畫喚樵
青多種桑麻門掩推敲古意泉分冷淡生涯無邊風

月樂年華留客可茶瓜任他車馬雖嫌僻笑喧喧流水
寒鴉小隱正宜深靜休栽湖上梅花

前調

題蔣氏
溪山堂

張炎

門前山可久長看留住白雲難溪虛却與雲相傍對白
雲何必深山爽氣潛生樹石曉光竟入闌干舊家三
徑竹千竿蒼雪拂衣寒綠蓑青笠元真子釣風波不是
真閒得似壺中日月依然只在人間

前調

閨元
宵

張炎

向人圓月轉分明
簫鼓又逢迎
風吹不老蛾兒鬧
繞玉梅猶戀香心
報道依然放夜何妨
款曲行春錦燈重
見麗繁星水影動
梨雲今朝準擬花
前醉奈今宵別是
光陰簾底聽人笑
語莫教遲了梅青

前調

與王彥常
游會仙亭

張炎

愛閒能有幾人來
松下獨徘徊
清虛冷淡神仙事
笑名場多少塵埃
漱齒石邊危坐洗
心亭裏舒懷
劃然長嘯白雲堆
更待月明陪一瓢
春水山中飲喜無
人踏破

蒼苔開了桃花半樹此游不是天台

前調

酌惠山泉

張炎

一瓢飲水曲肱眠此樂不知年今朝忽上龍峰頂却元
來有此甘泉洗却平生塵土慵游萬里山川照人如
鏡止如淵古竇暗涓涓當時桑苧今何在想松風吹斷
茶烟著我白雲堆裏安知不是神仙

前調

溪山堂竹

張炎

新篁依約珮初搖老石潤山腰逸人未必猶酣酒正溪

頭風雨蕭蕭礪齒猶隨市隱虛心肯受春招 從教三
徑入漁樵對此覺塵消娟枝冷葉無多子伴明牕書卷
詩瓢清過炎天梅蕊淡欺雪裏芭蕉



御選歷代詩餘卷四十八